

仁同張氏家乘譜

序

吾張之修譜自己丑至甲辰凡四回而其族姓之蕃
衍門閥之煒赫名公巨卿之項背相望無與衡者於
東國嗚呼偉矣唯是甲辰譜以後迄今四十載不復
有續修之舉其間生壯老死忌墓室配亦莫得以詳
焉余尋常慨恨每欲聚族修譜而貧病侵尋嶺湖路
遠加以時事歲異而月不同竟莫遂志顧今年迫桑
榆朝露易晞恐終不免死未瞑目之歎故只與吾九
代祖諱遇漢后孫及其弟公諱德洙后孫合成家乘

譜一冊非敢曰此可以達吾所志聊以為後日大同
合譜之資云尔

只書丁丑榴月下浣后孫嘉善大夫同知中樞府事
浚喜謹書

保宥錄序

竊惟麗朝張太師圃蔭先生自中華來東國倡道學
贊王業聲名勲烈焜耀於中華與東國至有當時夫
子伯仲伊呂之稱迨我朝諸名臣疏奏褒揚稱說
亦至矣 列聖朝 聖教炳若日星載在國乘況乎
卓絕瓌偉之蹟班班在人耳目夫人皆言之夫人皆
知之有非後生小子所敢贅陳贊揚之一辭嗚呼公
以中華浙江人流寓於東國一奇也經十年而返中
國官至吏部尚書二奇也爲人所誣復竄於東國三
奇也時值麗太祖創業與金太師權太師同爲勲臣

四奇也天之將欲興起斯文於一方也付畀斯人有
若面命焉以爲吾東方千載儒學之宗師夫豈偶然
也哉今其後孫瑞奎甫懼遐土辱裔之或侵編伍乃
裒輯屬於圃蔭公之公私文字編成一書名以保宥
余固不及一寓目猶可見表章先烈永垂後代之誠
意也要余題一語於卷端顧余謏劣何足爲是編重
輕而感孝孫勤求之懇幸賤名托傳之榮乃敢不辭
畧書于後若夫鋪張而潤色之自有其人云

聖上之十四年庚戌春日資憲大夫原任漢城判尹兼
知義禁府事五衛都摠府都摠管晉山姜世晃撰

仁同張氏家乘譜

一世

張金用

高麗三重大
匡神虎衛上
將軍

二世

子善

金吾衛上將

三世

子震

仁勇校尉

四世

子國伸

奉正大夫內
史令直史館

五世

子信元

文科
職啣無傳

六世

子世林

見下

子百林

咸平

子世圭

興海

子世梓

和順